

根本說一切有部毘奈耶

才三十二

三百十九
益二

49937



根本說一切有部毗奈耶卷第三十二 益

唐三藏法師

義淨奉

制譯

衆不差輒教授苾芻尼學處第二十一之三
尔時諸苾芻見如上事咸復生疑重白佛言
世尊何意思路苾芻因少教誠自發正勤於
生死中速能出離證得究竟安隱涅槃世尊
告曰汝等當知愚路苾芻非但今日因少教
誠而能證悟於過去時亦因少教自發正勤
得大富貴安樂而任汝等應聽乃往古昔於
某聚落有一長者大富多財受用豐足娶妻
未久便生一子容貌端正廣說如前告其婦
曰賢首吾今有子費用處多欲往海中求覓

珍寶妻言隨意長者便念我若多留財物與婦人者此必驕奢恐造非法遂便少與於此聚落有一商主是其知識持餘財貨皆悉寄之告云今欲經求還期未卜我婦若於衣食有乏當可給濟即持財貨入于大海遭風破船往而不歸被寄之人不為存念時長者婦假親族力及自營為養育其子年漸長大問其母曰我之祖父作何生業得存家道母作是念我若報云入海興易或恐此子亦往海中遭難不還我受孤苦遂即報云汝之祖父於此興易以為活命子白母曰可與錢財我學興易母告之曰我於何處得有錢財但假

宗親貧力養汝更無餘物遂汝所求然某甲
商主是汝之父故舊知識可從覓物隨意經
營其子聞已詣商主處時商主家有人取錢
三返失利彼正瞋責求入無因其家婢使持
糞掃出中有死鼠俱欲棄之長者懷恨告取
錢人汝今知不世間有人解求利者能因此
婢所棄之鼠產業豐盈彼長者子遙聞是說
便作斯念此大賈主終不虛言豈不由此死
鼠能得富樂即隨婢使觀其任止婢以糞鼠
棄于坑內童子取鼠詣大市中見有飢貓繫
頸於柱以鼠示之彼貓見鼠遂便跳躑是時
猫主告童子曰可與死鼠童子報曰豈以空

言便覓他物若酬價直我當與鼠猫主便以
一捧碗豆用酬其直是時童子留鼠取豆便
於瓦上熬之令熟即作是念我若盡食本物
全無遂以衣裙裹豆瓶持冷水出向村外於
賣樵人停息之處待彼歸還時賣樵者日晚
俱至童子見來報言大兄時旣炎暑可且停
息時賣樵人即便暫止童子遂將熟豆行與
諸人授以冷水諸人問曰小弟汝欲何去荅
曰我欲取樵報言我旦出城今始來至汝今
若去齊暮不還徒事艱辛必無所獲時彼諸
人各減一樵持以相惠童子得樵合爲一擔
詣市賣之所得貝齒並買碗豆悉皆熬熟瓶

持令水還之舊處以待樵人諸人既來同前
分布樵人見喜云賴蘇息報言汝當日於
此相看我等人各剩持一樵以酬勞直童子
緣此遂多獲利是時童子報諸人曰兄等持
柴勿向市賣揔積我舍我為賣之計來酬價
諸人許可與柴取直後於異時遇天陰雨霖
過七日柴價增高更多得利童子自念我雖
獲利終非久長賣柴為活人所輕賤即買諸
雜物自為小鋪獲利轉多復作是念此之雜
物賣人所恥便置香鋪依價而賣倍獲多錢
復更思惟此無大用便設金鋪得利弥甚映
蔽諸鋪賣人嫉之便與施号名鼠金鋪主衆

共議曰諸君當知由此見金鋪主映奪我等
交易不成我等宜應共至其所激令入海多
求寶物致令因此死而不歸即俱近鋪邊聞
語聲處共為議曰君等知不觀諸世間不紹
繼人所為日退譬如有人先時乘魚後便乘
馬棄馬乘輿復更棄輿步涉而行此鼠金鋪
主亦復如是自祖父已來皆入大海求好珍
寶自濟濟人遠近稱歎此兒今日不自存立
開小金鋪貝齒交關辛苦求生誠哉可念彼
聞此語便問諸人君等向來談論何事諸人
具以事荅聞是語已默然歸家問其母曰我
之祖父曾入大海求覓珍寶為富賈主耶母

作是念豈非此子他處聞知今我不應自作
欺誑宜當依實以事告之汝乃祖乃父皆入
海中爲大賫主人共稱歎白母言我今亦欲
往海洲求覓珍寶母曰汝不須去不久更白
母知意正遂不遮止見母許已即令徧告城
邑諸君若有欲入大海求珍寶者應隨鼠金
賫主不輸稅物安隱去還入海之貨當可預
辦時有五百賫人聞告令已各辦海物佇望
行期時鼠金賫主卜問良辰爲吉祥事遂共
諸人將諸貨物車馬擔運往適海濱旣至海
已諸興易人望海生怖咸有退意不欲昇船
介時賫主恐人盡歸告施師曰仁可以實報

知海中珍貨之物。施師即便告諸人曰：汝贍部洲人各應善聽。此大海中多有奇貨珍玩之物，所謂末尼、真珠、吠瑠璃寶、珊瑚、貝、玉、金、銀、赤珠、右旋妙螺、衆寶，非一。汝等若能入大海中得此寶者，自於一形歡樂受用。父母妻子親族知識及諸僮僕無辛苦者，於時時聞悉能給施沙門、婆羅門等。當生善趣，果報自隨。得往天宮受諸快樂，漸修勝福，登涅槃路。若樂此者，宜共昇船入大海中。然世間人聞得富盛，悉皆心喜。即俱昇船，人多船重，實主便念。旣親勸上，今者如何更令下船？即告施師曰：汝今宜可說大海中過患之事。是時施

師聞寶主語即便以實告諸人曰贍部洲人
汝等當聽此大海中有大怖畏所謂摩竭大
魚吞舟吐浪洪波洄洑淼漫無邊江純海狝
在處爲難黑風卒起漂泊山隅裂帆摧幢控
告無處復有青旗海賊非意忽來打破大船
俱斷汝命遂令汝等棄所愛身父母宗親不
復相見汝等當自思察不去爲善時諸人衆
多怯少勇聞斯告已下船者多其船遂便輕
重合度三告令已便拔沉石長風鼓扇大船
凌波猶如駛雲一翥而去悉皆安隱得至寶
洲施師告曰贍部洲中所有寶客皆悉須知
此之寶洲多假瑠璃與真實相似仁等應可

善爲試驗方可持之勿至本鄉方生悔恨又
此寶洲有鳴鶴羅刹依止而住若見人時作
諸方便出柔輒語諂誑於人遂令君等喪失
身命又此洲中多是醉果人若食者於七日
中不能醒覺仁等須知可爲警慎又此洲處
多有非人依止而住於七日中共相容忍過
七日已便放大風吹破賣船時諸賣人聞是
語已各自防固多收珍寶如稻麻穀豆傾置
船中是時施師候風便還贍部如是七度安
隱而歸其母告曰汝可娶妻安置家業兒白
母曰我還債後方隨母教母告子曰非汝祖
父先有債息因何今日去還債耶荅曰我自

知有即以四寶造鼠四枚復以銀盤盛滿金粟上置四鼠詣父知識賈主之家時彼賈主共諸人衆論及鼠金諸君知不鼠金賈主有大福德若執瓦石盡成金寶作是語時守門之人告賈主曰鼠金賈主來在門外報言喚入無宜見遮門人引入即以寶鼠金盤前奉賈主白言此是本鼠此是利直賈主告曰我不曾憶與汝錢財何故今時云酬本利荅曰我爲憶之便以往日棄鼠因緣具報賈主賈主問言汝是誰子荅云是某長者之子賈主曰汝即是我知識之子我宜與汝豈汝酬還汝父去日以多少物置在我處尚未相還即

以長女許彼為妻瓔珞嚴身送至其宅世尊
告曰汝等苾芻勿生異念往時實主即我身
是鼠金寶主即愚路是我於往日說少因緣
言及死鼠遂令因此得大富盛今時因我說
少教授便自策勵斷諸煩惱出生死岸成勝
妙果永證涅槃

尔時具壽愚路於善說法律中出家得果已
王舍城中有大醫王名侍縛迦聞佛世尊與
具壽愚路至愚至鈍而為出家便作是念若
佛世尊來至此者我當請佛及苾芻僧伽唯
除愚路不在請限尔時世尊為欲化度諸有
情故從室羅伐漸漸遊行至王舍城住羯闍

鐸迦竹林園中時侍縛迦聞佛來至在竹林
園往詣佛所禮佛足已却坐一面佛爲說法
要示教利喜旣聞法已從座而起偏袒右肩
右膝著地合掌恭敬白佛言世尊唯願世尊
及苾芻僧伽明日就舍受我微供世尊默然
而受時侍縛迦親覩世尊威德嚴重不敢對
面云除愚路禮佛而退往阿難陁所致敬白
言大德我於明日請佛及僧欲設微供佛德
尊重不敢親對云除愚路時阿難陁報侍縛
迦曰隨王子心令福增長時彼王子禮足而
去時阿難陁王子去後往愚路所報言具壽
仁今當知侍縛迦王子明日請佛及僧就舍

受食唯除具壽一人是時愚路聞斯語已報
阿難陀曰隨王子心令福增長時彼王子即
於其夜備辦種種上妙飲食至旦敷設安置
水盆遣使白佛今食已辦唯願知時今時世
尊於日初分著衣持鉢大衆隨行唯除愚路
詣王子家到已觀水無蟲洗足就座而坐
佛告阿難陀曰愚路坐處應可爲留時阿難
陀奉教留處是時王子手執金甌盛滿清水
從上欲行介時世尊不肯爲受侍縛迦白佛
言世尊何不受水佛言王子苾芻僧伽猶未
普集王子白佛誰未到來佛言愚路苾芻尚
猶未至王子白佛我不請彼佛言王子豈汝

不以佛爲首普請僧衆白言世尊普請大衆
佛言王子豈彼愚路在衆外耶王子曰不在
衆外佛言若如是者應可往喚侍縛迦便作
是念我敬佛故令人往喚不能尊重施其飲
食便命使者曰汝今可往竹林中喚具壽愚
路是時愚路於竹林中知王子意遂化作千
二百五十苾芻皆如愚路形容不殊使者至
寺喚具壽愚路具壽愚路時諸苾芻一時咸
應使者不知誰是愚路便即歸還報王子曰
於竹林內滿中苾芻我實不知誰是愚路佛
告使者曰汝往寺中作如是語是真愚路當
可出來使者尋去到竹林中喚言是真愚路

當可出來是時愚路以神通力詣彼留處就
座而坐時侍縛迦見其來已供佛及僧次第
行食至愚路所不爲殷重雖復授與無信敬
心世尊便念我之弟子德重妙高此侍縛迦
以愚癡故而自傷損我今宜可彰其勝德
余時世尊飯食訖時阿難陀欲取佛鉢世尊
不與然世尊常法若未收鉢諸苾芻衆咸不
收鉢愚路見諸苾芻飯食訖不收鉢者有言
因緣觀知欲彰我德便移半座長舒其手如
魚王鼻至世尊所而取其鉢是時王子在佛
邊立見其手已是何大德現此神通隨鉢而
行欲觀形狀知是愚路既見是已生大懊惱

悶絕躡地時諸親族以水灑面方乃蘇息便
就愚路執足頂禮求哀懺謝說伽他曰

栴檀之性恒涼冷

盪鉢羅華體鎮香

金盤常發妙光明

吠瑠璃寶常鮮淨

罪惡之人常恚害

猶如畫石卒難除

聖人常與妙善俱

幸願哀憐容恕我

亦時愚路報王子曰我常懷忍豈有恨心是
時王子便詣佛所禮佛足已敬辭而退時諸
苾芻至住處已咸皆有疑請世尊曰大德何
因緣故侍縛迦王子未知具壽愚路真實德
時即不恭敬知已禮足求哀懺謝佛告諸苾
芻非但今日作如是事於往昔時亦復如是

汝等當聽於過去世有一大王名梵摩達多
時北方有販馬賈客驅五百匹馬往詣中國
時彼賈主有一草馬忽因有娠是智馬種從
懷胎日時諸群馬不復嘶鳴賈主便念我此
群馬爲有病耶何因多日不復嘶鳴亦不跳
躑後時馬生駒已五百群馬垂耳而住不敢
噴嚏作聲是時賈主見斯事已即便生念何
因有此薄福有情生馬群內由斯過故令我
諸馬皆悉患生每常乘此草馬上妙草穀皆
不與之漸次南行至中國境到一聚落名曰
恭侍即於此處時逢夏雨賈主便念我若去
者馬盡漏蹄因此患生多有損失我今宜可

於此居停既停任已於相近處村邑諸人隨其工巧各以奇物持奉賚主既至夏了賚旅將行時諸工人悉來送別賚主隨先所得淮物相酬時有陶師先以瓦器見奉賚主聞其將去婦告之曰君今宜可往別賚主或容憶念以物相酬是時陶師聞妻言已即將泥團作吉祥印持見賚主賚主見已告言男子汝來太遲我有資財並已去訖欲將何物以表念心然而賚主於小馬駒情無愛惜謂非吉相告及師曰我今唯有此小馬駒汝若須者隨意將去及師報曰我多用功造諸器物將此駒子躡之令碎此無用物於我何須尔時

馬駒聞是語已跪就瓦師舐其雙足瓦師見已便生愛心遂即受取牽將至舍妻見問曰往賣主處得何財物夫曰得此馬駒妻曰苦哉此物勞我作器隨成蹋損駒聞此語便至妻所舐其雙足其妻見已亦起愛心時彼馬駒於諸生熟瓦器之間行步周旋一無所損妻報夫曰可愛小駒善能用意行瓦器內竟無傷損是時瓦師遠去取土此馬駒子隨後而行時彼瓦師盛土滿袋小駒便去低背就之瓦師以袋安脊徐負其土還來宅中夫告妻曰可愛馬駒代我勞苦我於田中以土袋安脊汝在舍內可爲擎下常以稻稊和油麻

澤用充其食

介時婆羅泥斯梵摩達多王有一智馬因疾而終時邊遠國聞王馬死各遣使報王王今宜可輸我國稅若不與者勿出城門若更出者繩縛將來王雖聞語不與其物怖不出城時販馬賁人至婆羅泥斯國王既聞有北方馬至其數極多告大臣曰我須得勝皆由智馬今時馬死誠被欺輕我欲幾時城內潛伏卿等宜應爲求智馬諸臣受教共相馬人入馬賁旅觀五百匹馬知此諸馬被智馬所調然而徧求不見智馬時相馬人見其草馬告牧馬人曰君今知不此之草馬必產智駒何

意不見共問賁主曰君於馬衆曾有出售或
乞人耶報言不曾賣馬然有一駒將爲不吉
於某城邑乞瓦師家時相馬人告諸臣曰君
等當知彼是智馬賁主頑愚不別良駿棄馱
馱上味持無用蘇滓俱白王已往恭侍城到
瓦師所而問曰君今何用此馬駒耶報言我
今負土相馬人曰我與汝驢共相博換報言
不可大臣報曰四牛兼車肯相換不報曰我
愛此駒車牛無用諸臣曰汝可審思明當重
來即便辭去馬駒雖居畜類智識過人相時
而動便爲人語諸臣去後馬駒告瓦師曰向
者人來欲何所覓報言覓汝若相求者何不

與之仁今不應作如是念令我終身為君負
土稻糠麻滓而充食耶若有利利大王受灌
頂位百枝金蓋擊以覆身如是勝人我當持
負若我食時於金盆內蜜和糠米隨意食之
若彼諸人明日來至問馬駒者仁應報曰君
等何故相輕若稱智馬詐為不識喚作馬駒
若論價者索一億金或可以金盛之於袋以
我右足盡力牽來若得此者當以相與諸臣
明日來問死師男子汝思量未答曰我已思
決曰與馬駒不死師即以智馬所言悉皆具
答時相馬人聞是語已自相謂曰此之死師
頑愚寡識寧知此馬智非智耶蓋應是馬思

欲報恩於昨夜中教其作計大臣告曰瓦師
隨智非智可論價直瓦師曰與真金一億當
可隨將或復滿袋盛金令馬右足牽得爲量
諸臣議曰此有大力一倍牽金宜酬一億斯
爲措定諸臣遣使往白大王今獲智馬索金
一億王得信已告使者曰隨索多少與價將
來便持億金令使取馬其使到彼旣與金已
便將智馬至婆羅痾斯牽入馬廄安第一槽
便以穡麥并草餵之馬不肯食王自親觀見
其不食報掌馬人曰豈此智馬先有病耶白
言大王馬實無病我今應問說伽他曰
汝豈不憶陶師舍
穀麥水草常關之

身體羸瘦唯皮骨

飢虛自食野田苗

日夜恒隨瓦師意

身常負土遭困辱

今爲國王乘御首

何因不食似懷憂

尔時智馬心懷不忍怒而報曰

我有迅足心驍勇

詳審智策衆無過

所有勝德汝皆知

何故令人共輕慢

惟汝能知於善惡

不依古法相遵奉

我今閉口寧當死

不被他輕而得生

縱被愚人久欺慢

我分不生憂惱心

見知己者暫生輕

令我懷愁不望活

時掌馬人聞此說已白大王曰王今宜可於

智馬處隨古仙法所爲次第而供給之若非

次第必不肯食王曰如何次第荅曰應可去
城有三驛許平治道路幡蓋莊嚴王從四兵
當自迎接所安置處以赤銅鑠而砌其地東
宮太子自擎千枝金蓋而覆其上王之長女
執金寶裝拂爲去蚊蠅國大夫人蜜塗糲米
盛以金盤自手擎持用充其食第一大臣親
執金箕以承其糞王曰如斯供給此即是三
我復何用掌人曰此非常尔但齊七日延迎
法式理必須然王曰已過之事不可重爲餘
現前者應如法作即於廐中馬住之處布赤
銅鑠太子自持千枝金蓋而覆其上王之長
女執拂祛蠅國大夫人金盤授食大臣執箕

爲其承糞馬見如是微妙供給即便噉食時
掌廐人說伽他曰

大王今與汝

上妙供給事

所須皆稱意

於王當盡心

馬荅彼人曰我隨君言所應作者心無怠慢
余時大王欲詣苑園臣以種種殊妙寶物而
爲鞍轡莊嚴智馬至大王所是時智馬見王
將御馬便偃脊王曰馬患背耶御者荅曰此
不患背恐王難昇所以偃脊王便御馬行至
河邊馬不肯進王問御者曰馬有怖心不肯
入水荅曰此非怖水恐有露濕灑著王身爲
斯不入即結其尾盛以金囊涉水而過王至

苑內縱逸而在遂經多日四遠諸國聞王住居苑內多興兵衆來捉城門王聞邊國兵衆俱至便乘智馬欲取後門而入城內於其中路有一大池名曰妙苑多諸蓮華盪鉢羅等弥覆其上是時智馬既至池邊足蹈蓮華徐行而過得入城中邊賊逃散時王大喜告諸臣曰卿等知不若有能於灌頂刹利大王救其命者彼欲如何以酬恩德諸臣白言合與半國王曰彼是畜生如何與其半國之賞宜應為彼於七日中廣設無遮與作非時俱物頭會隨所須者皆悉給之諸臣奉教悉皆為作時販馬賣主見設大會問諸人曰何故非

時作此大會諸人報曰君豈不憶於恭侍城
以一馬駒乞瓦師耶彼是智馬舉世稱珍王
以一億金就彼市得能活王命緣斯喜慶故
設無遮賣主聞已便作是念豈我留駒是其
智馬我今宜往觀彼形容既至廐所智馬見
已問言賣主所賣衆馬獲得幾何我獨一身
以一億金報瓦師訖賣主聞已悶絕躡地水
灑方蘇便捧馬足申謝而去

尔時佛告諸苾芻汝等勿生異念往時賣主
者即侍縛迦太子是往時智馬者即愚路苾
芻是往昔賣主未識智馬有勝德時便生輕
憊知勝德已懺謝而去今時侍縛迦未知愚

路有勝德時便生慢心及知具德禮足申謝
是故諸苾芻凡夫之人自無慧目不應於他
輒生輕慢當以智慧隨處觀察如是應學

第三攝頌曰

不差至日沒
二屏教化食

為食二種衣

同路及乘船

教授苾芻尼至日暮學處第二十二

佛在室羅伐城逝多林給孤獨園佛令難鐸
迦教授苾芻尼應為說法時蓮花色苾芻尼
與五百徒眾來詣具壽難鐸迦所俱禮足已
在一面坐求請教授宣揚妙法時難鐸迦即
以圓滿句義美妙言辭為其說法聽者忘疲

遂至日暮諸尼方去既至門所城門已閉時
諸尼衆喚爲開門守門者曰門已關訖尼復
告曰汝父敬信何因遮我當爲我開報云門
鑰已付王家無由能得時諸尼衆既不得入
遂相告曰去斯不遠有空園林可共投宿如
世尊說雖居樹下亦依次共分彼便依次而
分與之此是聖者某甲樹此是某甲地便作
誼聲今外聞徹時有五百盜賊欲至城傍而
爲偷竊聞彼尼聲便相告曰未可近城且當
劫此諸老宮人時蓮華色尼觀知賊至便作
是念勿令群賊劫同梵行現可惡相我當觀
察勿使由此誼聲生他不信觀見五百群賊

欲來竊盜遂化作毗盧宅家軍兵鼓聲四合
賊相告曰此是王軍四面圍合必當殺我命
在須臾我等宜應四竄逃走賊既散已時蓮
華色尼告諸尼曰姊妹有五百群賊夜聞語
聲欲來相劫我以神力令其逃竄汝等宜應
小聲分布即於此宿旦乃入城時婆羅門居
士等見苾芻尼從外入來便生譏謗作如是
語沙門釋子大有妙法男女雜居而修淨行
少欲苾芻聞生嫌恥即以此緣具白世尊世
尊集諸苾芻告難鐸迦曰汝實教授尼時乃
至日暮耶荅言實尔世尊種種訶責不知時
宜不寂靜者讚歎知時能修寂靜告諸苾芻

曰我今制其學處應如是說

若復苾芻雖被衆差教誡苾芻尼乃至日沒時而教誡者波逸底迦

若復苾芻者謂難鐸迦餘義如上被衆差者謂以白二教誡者謂以三學法而教誡之此中犯相其事云何若日暮日暮想及疑皆得墮罪若未日暮作日暮想疑得惡作罪若不日暮作不日暮想若雖日暮作不暮想者無犯若通宵說法或寺門相近或不閉城門此皆無犯又無犯者謂最初犯人或癡狂心亂痛惱所纏

時諸苾芻請世尊曰大德何因蓮華色尼護

五百尼令免賊難佛告諸苾芻非但今日共相濟免於過去時亦相救濟汝等當聽乃往過去於聚落中有一賁主娶妻未久告曰我今欲往他方興易經紀妻言善好既無子息我亦隨行夫曰長途險難誰相供給可於此住勿隨我行其婦見其遮止遂便啼泣行伴報曰何意湏啼荅言我欲相隨不將我去行伴報賁主曰可相隨去賁主曰誰相供給伴曰我爲供看即便將去既涉長途宿在山險諸人皆睡唯賁主婦一人警覺時有師子來入賁營是時婦人手旋火頭趨却師子空中天見說伽他曰

未必諸事業

男子悉能為

雖復是女人

有智驅師子

佛告諸苾芻往時賣主婦者即蓮華色苾芻
尼是昔時於夜救諸賣旅今復能護五百諸
尼為驅群賊

謗他為飲食故教授苾芻尼學處第二十三

佛在室羅伐城逝多林給孤獨園佛令難鐸
迦教授苾芻尼并為說法時大世主苾芻尼
與五百徒眾詣難鐸迦處俱禮足已求請說
法却坐一面時難鐸迦以深妙音演說句義
女人少智卒未能解懷怖懼心不教諮問時
大世主及諸徒眾既聞法已禮足而去便詣

佛所禮佛足已在一面坐大世主白佛言世
尊我等適往聖者難鐸迦所求請說法時彼
聖者以深妙音演說句義女人少智卒未能
了懷怖懼心不敢諮問如佛所說由布施故
能得無畏若佛世尊許諸尼衆於苾芻邊設
供養者我當隨力而爲供養佛言隨意應作
時苾芻尼不知將何供養佛言應以五種正
食或五嚼食或與膏條等時有苾芻尼躬持
乳粥及以美團入逝多林詣具壽難鐸迦處
時六衆苾芻每令一人在寺門前經行而任
時鄔波難陀於寺門前見苾芻尼問言姊妹
所持何物答是乳粥及以美團問言欲與誰

食荅曰將奉尊者難鐸迦鄔波難陀曰姊妹
若我鄔波難陀常得乳粥及美團者我亦常
能教授尼衆次復有尼更持酪粥或持諸餅
鄔波難陀見而報曰我比謂難鐸迦以如法
心爲尼說法寧知但爲小小飲食因緣而相
教授少欲苾芻聞是語已便生嫌恥云何苾
芻作如是語爲飲食故教授諸尼以此因緣
具白世尊世尊以此集苾芻衆問鄔波難陀
曰汝實作是語諸苾芻爲飲食故教授於尼
耶鄔波難陀曰實尔大德世尊種種訶責乃
至我今爲制學處應如是說
若復苾芻向諸苾芻作如是語汝爲飲食供

養故教誡苾芻尼者波逸底迦

若復苾芻者鄔波難陀餘義如上飲食者謂
五噉五嚼餘並同前此中犯相其事云何若
苾芻向他苾芻作如是語為飲食故教授苾
芻尼者皆得波逸底迦若見苾芻實為飲食
教授尼者說之無犯又無犯者謂最初犯人

或癡狂心亂痛惱所纏

與非親苾芻尼衣學處第二十四

佛在室羅伐城逝多林給孤獨園於此城中

有一長者夫妻共居更無男女至年衰邁親
舊知識物產資生悉皆將盡告其婦曰賢首
我今年老不能經紀欲求出家婦曰我亦出

家報言隨意即便相隨詣大世主處頂禮足
已白言聖者我妻欲於善說法律而求出家
唯願聖者與其出家并受圓具時大世主問
知無難即與出家并受圓具時大世主報其
夫曰賢首女人之法體多愛著仁可時時來
相看問報言甚善夫即往詣逝多林中一苾
芻處求哀出家苾芻問已即與出家并受圓
具時城內人聞長者出家嗟歎希有諸人皆
以飲食衣服卧具湯藥而爲供養冀希勝福
彼於異時被著上服往尼寺中詣故二尼處
尼禮足已在一面坐頻頻舉目觀僧伽抵是
時苾芻報言姊妹汝意欲得此大衣耶荅曰

必有盈餘施亦佳矣苾芻便念此意難違我
與此衣更作餘者即與衣而去尔時世尊告
阿難陀曰汝可告諸苾芻世尊欲向人間遊
行若有願樂隨佛去者當持衣服時阿難陀
奉教告知世尊便與大眾寂靜圍繞如上廣
說世尊欲往摩揭陀國世尊常法將出行時
即以全身右旋而顧如大象王親察徒眾恐
諸苾芻衣服不整見彼苾芻唯著上下二衣
欲出遊行世尊見已告阿難陀曰苾芻豈可
安居之處不得夏衣耶白佛言得佛言何故
此苾芻無僧伽胝但著二衣隨我遊行時阿
難陀具以事白世尊告曰苾芻以衣與非親

尼耶白佛言與佛言若非親尼者不知籌量
有衣無衣得時便受親則不尔世尊以此因
緣問彼苾芻汝實以衣與非親尼耶白言實
尔世尊種種訶責廣說如前乃至制其學處
應如是說

若復苾芻與非親苾芻尼衣除換易波逸底
迦若復苾芻者謂此法中餘義如上衣有七
種並如上說此中犯相其事云何若於非親
作親想疑與衣者得墮罪若親作非親想疑
與衣者得惡作罪若親親想非親親想與衣
者無犯若見遭難無衣服者與之無犯或因
說法愛樂美言持大鬘施或因受戒而施或

復賣與或博換與又無犯者謂最初犯人或
癡狂心亂痛惱所纏

根本說一切有部毗奈耶卷第三十二 益

船音白 猫莫交反 跳躑直音餘下 碗豆官上烏熬
吾高反 衣裾居下音 炎干廉反 樵自搖反 剩食證 脰珍尼反

揭列音 映蔽下上於敬反 賈人商上音 舉余預 施徒可
反玩愚貫反 洄洑二字音 淼漫下上眉小反 純音屯

豨音虛 漂泊上反 山隅下音 怯去劫
凌凌下音陵 駛二使史音 耆翁章廢反 柔輒下上而周反 策策

勵上正作策 躒毗益反 盟烏骨反 販方万匹
嘶鳴西上音 噴嚏下上音 帝帝 舐反時

脊

跡音

稻

糠

二字

康

音

滓

側史

衰

邁

改下

莫

反

潛

昨

益

駿

子

閏

醞

醜

二

胡

音

穡

穡

二

同

俱

猛

反

廐

音

救

饒

烏

瑞

羸

瘦

上

力

誰

反

迅

思

閏

驍

音

反

閑

閑

二

同

必

驛

音

銅

鏃

下

音

蚊

蠅

文

土

非

祛

丘

居

鞍

轡

下

音

溼

濕

二

同

失

鐸

徒

各

鑰

禁

音

逃

竄

下

音

嚼

才

約

膏

條

下

音



